



Beeld: ©NP/Hollandse Hoogte/ Robin Utrecht

8 di september 2023

Den e ultimo noticiero nos a wak bek e conmemoracion di Pasado di Sclavitud cu e discurso di Rey na Oosterpark y e comienso di Aña di Conmemoracion di Pasado di Sclavitud. Un momento bunita y historico, unda e Rey a ripiti e disculpa haci anteriormente pa gabinete y a pidi pordon. Cu zomer den porta, nos a finalisa e ultimo noticiero.

E siman despues sinembargo e gabinete a cay. Ta comprendibel cu e pregunta tocante e impacto cu esaki tin riba e trabounan pa e dossier di Pasado di Sclavitud ta surgi. Pasado di sclavitud Hulandes y su influencia consecuyente ta ricibi hopi atencion social y tin un impacto grandi. P'esey, contenido di e trayecto aki lo sigui bou di e gabinete demisionario sin interumpcion. Lo continua cu elaboracion di e programa y e consultanan destina pa esaki, manera e stuurgroep ministerial, lo sigui tuma luga. Na december lo bolbe organisa un encuentro cu e mandatarionan den cuestion y esnan directamente involvi pa papia tocante e avance y e continuacion. Despues di esaki, nos lo manda un informe di avance na Tweede Kamer.

Na e momentonan aki ainda nos no por anticipa locual lo bira e rumbo di gabinete nobo cu un acuerdo di gobernacion nobo.

Den e lunanan di zomer cu ta tras di lomba, a sigui traha duro pa pone e fundeshi necesario pa tuma e siguiente pasonan den eheccucion di e Programa Pasado di Sclavitud.

Fuera di e caida di e gabinete, den Ministerio di Asuntunan Interno y Relacion den Reino tambe tin un desaroyo. Riba 4 di september, Minister Hanke Bruins Slot a keda nombra como e minister demisionario di Asuntunan di Exterior y ta actualmente ehecciendo e funcion aki. E ta sigui Wopke Hoekstra cu a keda nombra como e Comisario Europeo Hulandes nobo na Brussel. Minister Hugo de Jonge lo tuma e tareanan como Minister di Asuntunan Interno over. Secretario di Estado Alexandra van Huffelen, despues di despedida di Minister Hanke Bruins Slot, a bira e mandatario coordinador pa continuacion di e disculpa pa e Pasado di Sclavitud. Ultimamente, e Secretario di Estado, hunto cu tur partido involvi, tanto na e islanan caribense como na Hulanda, a haci tur esfuerso pa e Programa Pasado di Sclavitud. E conocimiento y experiencia ey e ta trece como mandatario coordinador. Di e forma aki, e dossier importante aki di Pasado di Sclavitud ta mantene su continuidad y e cambio no tin consecuencia pa e contenido di e programa. Minisiter di BZK ta mantene su compromiso y responsabilidad pa e dossier aki for di su propio portofolio, incluso e acercamento di racismo y discriminacion.

Banda di e tur desaroyonan aki, den e di cinco noticiero aki, nos ta splica e planificacion di e Programa di Pasado di Sclavitud pa e periodo benidero. Esaki a keda comparti anteriormente den e informe di avance di 23 di juni pa Tweede Kamer, pero ta duna nos tur un bista cla unda lo presta atencion den e periodo binidero.

Sigui hiba dialogonan cu e comunidadnan y sociedad en general ta forma parti importante den esaki. Mientrastanto nos a contrata un bureau cu lo yuda nos organisa y intensifica e discusionnan importante aki. Na prome luga, e discusionnan ta enfoca riba yega na contendio pa e Comite di Conmemoracion y Fondo di Conmemoracion. Den e noticiero aki nos ta cordialmente presenta e personanan cu ta contribui na esaki.

Tambe nos lo wak bek riba e entrega di e buki di ensayo 'Doorwerkingen van het Slavernijverleden' (Influencia di e Pasado di Sclavitud) di e comision di estado contra discriminacion y racismo y e Conmemoracion di Dia di Lucha pa Libertad.

### **Bista padilanti**

Den herfst di 2023 te den primavera di 2024 lo traha riba:

1. E areglo pa iniciativanan social (pa un solo biaha € 100 miyon disponibel pa henter Reino y Suriname)

2. E Comite di Conmemoracion (€8 miyon structuralmente disponibel pa henter Reino)

3. E intensificacion di maneho (pa un solo biaha € 100 disponibel pa henter Reino y Suriname)

Pa esaki nos conoce e siguiente planificacion:

#### October 2023

##### *Parti Caribense di Reino*

1 y 2 di october Sesion Catshuis Caribe. Den colaboracion cu diferente stakeholder for di e region di Caribe lo organisa un 'Sesion Catshuis Caribe'. Den presencia di e Secretario di Estado pa Relacion den Reino y Digitalisacion, e dos dianan aki lo concentra riba loke ta sigui e disculpanan di 19 di december 2022, den cua nos lo wak bek riba e periodo cu ta tras di lomba y tambe hunto wak padilanti. Nos lo papia tocante cuadronan di contenido pa e Comite di Conmemoracion, e areglo pa iniciativanan social y e intensificacion di maneho. Entretanto e invitacionnan pa e encuentro aki ta manda.

##### *Hulanda Europeo*

Incia sesionnan di dialogo Hulanda Europeo: Na Hulanda Europeo lo inicia un serie di 6 sesion di dialogo. Cu esaki, na diferente lugan na Hulanda tambe ta hiba e combersacion pa haña cuadro pa e Comite di Conmemoracion y e Areglo pa iniciativanan social y e intensificacion di maneho.

#### November 2023

##### *Parti caribense di Reino*

Continuacion di combersacionnan den parti Caribense di Reino

##### *Hulanda Europeo*

Continuacion di sesion di dialogo na Hulanda Europeo pa busca cuadro pa e Comite di Conmemoracion, e Areglo pa iniciativanan social y e intensificacion di maneho.

#### December 2022

##### *Hulanda Europeo*

Sesion Catshuis pa Hulanda Europeo, siguiendo e sesion den Provinciehuis di juni di e aña aki. Den e sesion aki nos lo comparti e conclusionnan saca for di e sesionnan di dialogo y evalua nan cu e grupo anteriormente invita (personanan directamente involvi den e programa y descendientenan)

Carta di progreso pa Tweede Kamer: conclusionnan for di e sesionnan di dialogo y e diseño pa continuacion di e proceso. Den e proceso aki nos ta tene cuenta cu e promesa cu e Areglo pa iniciativanan social ta cla no mas tarda cu primavera di 2024. E Comite di Conmemoracion ta cla no mas tarda cu zomer di 2024.

Naturalmente, Asuntonan di Exterior tambe ta involvi den e elaboracionnan menciona ariba. Nan ta traha un plan adapta pa Suriname y e dialogo cu ta tuma lugan aya. Lo inclui e logro aki tambe den e conclusionnan y liña cora.

### **Sesionnan di Dialogo di Pasado di Sclavitud**

Den herfst di e aña aki, nos lo organisa entre 6 pa 8 sesion di dialogo reparti den e pais pa tende con e Comite di Conmemoracion pa e pasado di sclavitud mester muestra y con mester organisa e areglo (€100 miyon) pa iniciativanan social.

Ta importante pa mas tanto hende y organisacion posibel por participa. P'esey nos a pidi un bureau specialisa y independiente pa organisa e diferente sesionnan di dialogo aki. Varios bureau por a ofrece nan oferta pa e trabou aki, despues di esaki a scoge un bureau basa riba un cantidad di criterio di seleccion. Factornan determinante den e escogencia tabata e forma cu e bureau a forma su equipo y ki experiencia nan tin cu organisacion di dialogo di impacto social grandi. E bureau cu a scoge yama TrueTalk. E equipo central cu nan ta uza pa e tarea aki ta consisti di 8 persona cu diferente experticio y trasfondo:

- Bart van de Ven
- Mercedes de Miranda
- Kenneth Erselina
- Gilberto Morishaw
- Shantie Singh
- Roan Lamp
- Rebecca Streng
- Laura Kahnt

E siman aki, TrueTalk a cuminsa hiba combersacionnan di orientacion. Nan ta haci esaki hunto cu personanan directamente involucra. Nan ta registra kico descendientenan y otro personanan involvi ta considera importante den e organisacion di e sesionnan di dialogo. Pensa riba preguntanan manera: Con nos por drenta den combersacion cu mas tanto hende posibel? Cua topiconan nos kier discuti? Na cua localidadnan nos ta haci esaki? Con nos por haci participacion na e sesionnan aki accesibel pa tur hende?

Abo tin idea of pregunta tocante esaki? Gustosamente nos kier tende di bo.

Bo por manda un email na: [dialogosessies@truetalk.nl](mailto:dialogosessies@truetalk.nl).

### **Buki di ensayo tocante influencianan di e pasado di sclavitud**

Dia 3 di juli ultimo, comision di esato contra discriminacion y racismo a entrega presidente di Tweede Kamer un coleccion di ensayo cu a keda skirbi riba nan encargo. E comision di esato a pidi dies scientifico pa skirbi un ensayo tocante e medida y e formanan con e pasado di sclavitud transatlantico por tin efecto actual. E meta ta pa compronde e posibel influencianan aki mas miho y asina haya un bista mas cla di e pasado como causa di e situacion presente. E buki di ensayo ta obtenibel gratis y por download e via un link riba nos website:

<https://www.staatscommissietegendiscriminatieenracisme.nl/onderzoek/publicaties/publicaties/2023/07/03/index>



### **Conmemoracion di e dia di e lucha pa libertad**

Diahuebs dia 17 di augustus e Minister di Asuntonan Interno y Relacion den Reino, Hanke Bruins Slot, a asisti e charla tocante Tula den Mauritshuis na Den Haag. E charla aki ta keda organisa anualmente door di NinSee.

Tula, kende tabata sclavisa, dia 17 di augustus 1795 a rebeldia contra sclavitud y mester a paga pa su resistencia cu su bida. Na Curaçao, ya for di 2010 caba Tula a keda declara como heroe nacional. Conforme e promesanan di gabinete despues di e disculpanan di 19 di december 2022, e rehabilitacion di Tula lo tuma luga dia 3 di october binidero.

E orador di e anochi tabata Suzy Römer, ex-minister na Curaçao y dos biaha presidente di Antia Hulandes di antes. Römer a papia tocante e organisacion politico di Curaçao y e otro islanan y e influencia di e pasado di sclavitud eyan. Tambe el a enfatisa e storia di Tula y su influencia riba e resistencia creciente contra sclavitud despues di su morto. Su charla, cu e tema “Tula: E rebelde inmortal,” tabata un yamada fuerte pa sigui cu e herencia di Tula den presente. Durante e ronda di pregunta cu a sigui, a surgi un debate interesante tocante e envolvimento di hobennan den combati e efectonan di e pasado di sclavitud. Un topico na locual ainda mester presta hopi atencion.

Dia 17 di augustus Roald Lappere, director-general di Relacion den Reino na BZK, tabata presente na e conmemoracion di e Dia di Lucha pa Libertad na Curaçao. Durante e conmemoracion aki a ilustra e resistencia di Tula pa medio di diferente expresion cultural.

**Pa finalisa**

Tin topico cu bo kier lesa den e noticiero aki of bo kier drenta den combersacion cu nos? Gustosamente nos ta tende di bo. Bo por acerca nos via:

PostbusProgrammaSlavernijverleden@minbzk.nl